

Sura - Mat Takarda Kì-Naan - Wives Scriptures

Afirus 5:22-24 Mat mo, wu sham kì-káa fuu mo nder kì-mish fuu mo, kaadi wuu c`in nDaa si. 23 Mpeedi mish wuri a káa kì-mat, kaadi Kristi wuri a káa kì-Ekiliya si, shii kì-mini a shin firi, kì-wuri shikáa firi wuri a Ngubam fira zak. 24 Kaadi Ekiliya wuran nder kì-Kristi, ni aasi zak, wun mat mo, wu sham kì-káa fuu mo nder kì-mish fuu mo ndighin mbii mo jir.

Afirus 5:31,33 A mpeemini, be gurum wurin nyit puun firi kì-nighin firi, ku wuri bàlkáa di ashak kì-mat firi, ku mo vul mo dee di a diimindong. 33 Koo di arang ye, be wu yit koo weye wuri wal mmat firi, kaa shin firi si, kì-mat wura cin diides mmish fira zak.

1 Korinti 7:3-5 Ni ret ku mish ni wuri c`in mbii di ni ret ku wuri c`in mmat firi, kì-ni ret ku mat ni wura c`in mbii di ni ret ku wura c`in mmish fira zak. 4 Ba mat wura kì-iiko nkaa sat fira kas, amma mish fira wuri kì-ni. Ni aasi zak, ba mish wuri kì-mee iiko nkaa shin firi kas, amma a mat firi wura kì-ni. 5 Taji wu ci nshak a kì-suk fuu mo kas, see katdang wuu ten wu ribet kishak nee, wun nnookdi mpee rep mee pee mo lee dak, mpeku wu lekáa fuu di mpee c`in aduwa. Amma abwoon mini, be wu baa wu kaat di kishak, mpeku taji Shetan num wun mpee ci yaasuk kas.

1 Korinti 7:34 Diisi ni le ku pan firi mo bak vul mmini. Mat di ba wura kì-c`indik kas, koo reep, be wuraa le putughup fira a nkaa ar di wuran nc`in mbii di mo ret di nDaa nyit, kì-ar di wuran ndee a diibang ndighin nan, kì-ndighin Riin. Amma mat di wura kì-c`indik, be wuraa le putughup fira a nkaa mbii mu yil ni mo, di wuran nc`in, mpeku ni ret di mmish fira nyit.

Kolosi 3:18 Wun mat mo, wu sham kì-káa fuu mo nder kì-mish fuu mo, kaadi ni ret ku nyem kì-Naan mo c`in si.

1 Timoti 2:11-15 Ni ret ku mat kám mbii mo, wura dee a pudok, kì-wura sham kì-kaa fira zak. 12 Ba wan cinpee mmee mat ku wura kám, koo dee a diides nkaa mish mo kas, ni a ting wura dok titik. 13 Gyet Naan shee dak a Adam, akudang wurii le lif. 14 Kì-zak, ba gyet mo num a Adam kas, amma gyet mo num a mat ni, har wura tep Waar kì-Naan, wura dee a mat shikbish. 15 Amma wura kat bam a mpee làa di wura làa mo, katdang wura sekiyeen ndighin cinzeen, kì-wal, kì-tong a diibang ndighin dyen diiret.

Di Şe Mo 3:16 - 1 Pita 3:1-6 Wuwun mat mo, ni ret ku wu sham kì-káa fuu mo nder kì-mish fuu mo, mpeku katdang mee mish di ba wuri cinzeen po kì-Naan kas, meebe wurin ntuwap, ku wuri cinzeen di po kì-Naan, mpeedi mwaan kì-mat ni a diiret, koo di ba mat ni wuraa satpo Naan mmish ni shi po kas. 2 Mpeedi mish fuu moo leyit, ku mo naa mwaan fuu mo di, kyet mwaan fuu ni mo a diiret aa, koo a diibish ye. Kì-zak, moo naa kyet wuu c`in mbii di Naan wuri sat ne wu c`in aa, koo wuu c`in kas ye? 3 Taji wu dee wu pan a nkaa ar

di wun nlop lee mo nkaa suk fuu mo shidaar-shidaar kas, shii k̀mini, wu dee mpan jwat, kaa tepkaa, k̀lop mbiikom, k̀lop mbiitook mu zinariya mo si. K̀zak, lop lee diikirim mo nkaa suk fuu mo. 4 Amma wu yit ku ret fuu, ni put a ndighin putughup fuu mo shidaar-shidaar. Wu gung mbii mo, k̀wu sham k̀kaa fuu mo zak. Mpeedi kiyeet k̀ret mini, nii koghop ni zam pu Naan di, kaa mbii diiret si. 5 Wu c`in pan nkaa mat diiyam-yam mo, di gyet moo leyit furu a nkaa Naan. Gyet shiimwaan furu mo, ni le ku mo dee a mat di ret mo, mpeedi mo sham k̀kaa furu mo nder k̀mish furu mo. 6 Seera, wura dee a mee mbiikam. Gyet wuraa mwaan ndighin ar mwaan diiret, har wuraa pet Abraham a Daa fida. Katdang wun wu mwaan ndighin shiimwaan fira, be wun a jep fira mo azeen. Wu gung. Taji wu ribet ku mee mbii le kiimuut nwun kas.

Titus 2:1-5 Amma wugha, a kam ngurum mo mbii di mo a ndighin kam di ni azeen-nzeen. 2 A kam nyem diikukun mo nee, ni ret ku mo dee a nyem di mo yaa sut, k̀mo le putughup furu mo dar a pee mindong. Taji mo dee ntan kas, amma mo dee a nyem di mo dar bal-bal ndighin cinzeen ni. Nyem di mo wal ngurum mo, k̀nyemgung ndighin mbii mo zak. 3 A sat mmat diinan mo nee, ni ret ku mo mwaan kaa nyem di mo man Naan si. Taji mo satpo diibish nkaa gurum mo kas. Taji mo dee a krom mu shwaa mwos kas. Ni ret ku mo kam mbii diiret ngurum mo. 4 Mpeku mo kam di mmat diidween mo, ku mo wal di mmish furu mo, k̀jep furu mo zak. 5 Nyem yaasut mo, mpeku mo dee di a diibang ndighin putughup furu mo, mpeku mo naa tulu furu mo di riret, ku mo dee di a diiret, ku mo lekaa furu mo nder k̀mish furu mo. Mpeku taji mee gurum katpee satpo diibish nkaa po k̀Naan kas.

1 Korinti 11:5-7,10 Koo mat diidang ye di wura c`in aduwa, k̀satpo k̀Naan di ba wura paakaa fira kas, be wuraa j`i k̀nashoop nkaa mish fira. Di a wuri a kaa fira, k̀zak, be wura dee a kaa mat di mo sak kaa nwura ngau si mmimi. 6 Katdang ba mee mat paakaa fira kas, be ni ret ku wura saa shoopkaa fira. Amma katdang saa shoopkaa koo sak shoopkaa nin nj`i k̀nashoop mmat, be ni ret ku wura paakaa fira. 7 Ba ni ret ku ngumish paakaa firi kas, mpeedi Naan dak mish a kaa shin si, k̀wurii kam a diides k̀Naan. Amma mat wura k̀kam a diides mu mish. 10 Mpeemini, be ni ret ku mat paakaa fira, ku ni kam di nee, wura a nder k̀mish fira, k̀mpee nyemlop k̀Naan mo zak.

Sumpo 12:4; 14:1; 19:13; 21:9,19; 25:24; & 27:15,16 - contentious & angry Mat.
 Sumpo 31:10-31 - The Virtuous Mat.

Pastor T. John Franklin
 Church of Salvation, Healing, and Deliverance
 COS-HAD.org